



Terenga 2: Hōtaka 27 – rā anō

Nau mai ki te teo herenga waka o AKO e poua nei ki te whenua hei tumu herehere manako kia puāwai ai te reo Māori i tōna anō whenua, i ōna anō iwi.

Hei Mahi Whakarongo

Nō tātou te māringanui i ngā putunga kōrero i kohia ai e Whakaata Māori hei whakatairanga i ngā kuia o te motu. Ko Ruahine te kaupapa nāna ngā raukura o roto i ngā iwi i whakaemi kia rangona ai ngā wheako o te wahine.

1. Hei ā whea te wā tika kia karanga te wahine, hei tāna?
2. E whia ōna tau i te wā i tīmata ia ki te karanga?
3. E hāngai ana te huarahi ako i whāia ai e ia ki ngā wāhine o ēnei rā?

He Whakamārama

rā anō

He kupu hāpai ēnei hei whakakaha i te roa o te wā e kōrerohia ana, hei whakakaha rānei i te wāhi e kōrerohia ana. Tirohia ēnei taura kia kite ai koe i te āhua o te whakamahinga o ēnei kupu.

- a. Nō mai **rā anō** tēnā tikanga.
That's an age-old custom.
- e. Kia mutu **rā anō** te hui ka wātea koe.
Once the meeting is over you'll be free.
- i. Ā tērā tau **rā anō** au whakawhiwhia ai ki taku tohu paetahi.
I don't receive my bachelor's degree until next year.
- o. Me haere koe ki tērā taha **rā anō** o te huarahi.
You actually have to get across to that side of the street.

Hei Manatu

Anei anō tētehi whakatakotoranga hei wānanga mā tātou:

He uaua māku ki te marama ki tō kōrero x
He uaua taku whai i tō kōrero ✓
He + tūāhua + (te mea e kōrerohia ana)

Hei Mahi

Panonihiā ngā rerenga kia uru atu ai tētehi tūingoa whai whiore.

1. I tae au i te ata. I heke te ua.
2. I haere mātou ki te hui. I tū ngā pihi o te iwi.
3. I eke mātou i te marae. I tangi ngā kuia.
4. I tū te tama ki te mihi. Ka mīhia ia e ngā koroua.
5. I uru atu ia hei hōia. Ka riro ki tāwāhi.

Whakautu:

1. I taku taenga atu i te ata, i heke te ua.
2. Nō tō mātou haerenga ki te hui, i tū ngā pihi o te iwi.
3. Nō tā mātou ekenga i te marae, i tangi ngā kuia.
4. Nō te tūnga o te tama ki te mihi, ka mīhia ia e ngā koroua.
5. Nō tōna urunga atu hei hōia, ka riro ki tāwāhi.